

澄城縣志卷十三

人物

志人物何昉乎昉益部耆舊傳西州後賢志而作也十
室忠信聖人與之矧秦中民俗敦龐淳厚無不力崇古
處嘉言懿行表而出之采風者或有取焉

唐

魏叔玉鄭國文貞公徵長子次叔琬叔璘叔瑜初太宗賜徵
莊田於唐上輔馮翊郡之北徵其子孫世居焉遂爲澄城人
叔瑜善草隸以筆意傳其子華及其甥薛稷世稱善書者前
有虞褚後有薛魏

魏克明徵 世孫武宗會昌四年封兵部常選五年封黃門

澄城縣志

卷十三

人物

一

侍郎次年封中書舍人

魏扶徵三世孫登太和四年進士第會昌六年差授趙州刺
史太中初知禮闈入院題詩

魏暮字子舉唐書魏徵傳徵五世孫暮字申之擢進士第同
州刺史楊汝士辟爲長春宮巡官文宗讀貞觀政要思徵賢
詔訪其後汝士薦爲右拾遺暮姿宇魁秀帝異之邕管經略
使董昌齡誣殺參軍衡方厚貶湖州司戶俄徙峽州刺史暮
諫曰王者赦有罪唯故無赦比昌齡專殺不辜事跡暴章獄
窮罪得特被矜貸中外以爲屈法今又授刺史復使治人紊
憲章乖至治不見其可有詔改洪州別駕御史中丞李孝本
宗室子坐李訓事誅死其二女沒入宮暮上言陛下卽位不

悅聲色今取孝本女內之後宮傷治道之本速塵穢之嫌惟陛下崇千載之盛德去一旦之玩好帝卽出孝本女以暮爲右補闕俄爲起居舍人帝問卿家書詔有存者乎暮對惟故笏在詔令上送鄭覃曰在人不在笏帝曰覃不識朕意此笏乃今之甘棠帝索起居注暮奏古置左右史書得失以存監戒陛下所爲善無畏不書不善天下之人亦有以記之帝乃止擢諫議大夫兼宏文館直學士暮固讓不見可乃拜始暮之進李珣楊嗣復實推引之武宗立暮坐二人黨出爲汾州刺史俄貶信州長史宣宗嗣位移郢商二州刺史召授給事中遷御史中丞發駙馬都尉杜中立姦贓權戚縮氣進同平章事建言今天下粗治惟東宮未立不早以正人傳導之非

澄城縣志

卷十三

人物

一一

所以存副貳之重且泣下帝爲感動累遷門下侍郎兼戶部尚書因久疾檢校尚書僕射太子少保卒年六十六暮爲宰相議事天子前他相或委蛇規諷惟暮讜切無所回畏宣宗嘗曰暮名臣孫有祖風朕心憚之然卒以剛正爲令狐綯所忌讒罷之

考唐書宰相世系表文貞公爲館陶魏氏四子長叔玉光祿少卿孫膺秘書丞次子叔瑜職方郎中孫華禮部侍郎曾孫瞻駕部郎中三叔琬四叔璘孫殷汝陽令二世孫明監察御史三世孫憑獻陵臺令五世孫暮宣宗朝宰相六世孫潛滂七世孫敖又魏扶字相之亦係宣宗宰相乃魏盈之族非公後也至魏克明史無可攷恐係二世孫明官

監察御史者之誤

宋

魏道嚴徵十五世孫神宗熙甯元年差授同州司法參軍使
又宣封爲同州節度使三年爲潞州長史五年爲兵部侍郎
六年爲西臺御史大夫

曹景儉政和中人其甲科無可考曾撰新修普濟寺記必當
時之文人也姑依年代附此

金

魏彥直徵十六世孫天會十二年差授趙州刺史元成元年
封爲同州節度使天眷二年封爲中書門下侍郎皇統元年
封爲禮部侍郎

澄城縣志

卷十三

人物一

三

劉稽號中山大定間官進義校尉

裴天民字先覺宣差檢察華州事

李師徵進義校尉守蘇門同監

雷師易號沮陽野逸明昌間人曾跋觀妙堂詩其甲科官職
不可考姑依年代附此

魏卞徵二十世孫官武節將軍正大八年差授峽復鄜州又
宣授節度使九年兼授兵部郎中後宣授延安府安撫使今
按魏氏自克明而下六人出魏氏轉官圖并家譜宏治初縣
丞魏鑑竊去鑑山西蒲州寒葉村人

路世美曰傳謂天之生物使之一本故武襄不附梁公翼
翁不祖六一惡忘本也魏鑑竊譜與哭子儀之墓者同一

用心其忍於忘本也哉肆今文貞華胄泯然無徵重貽稽古者之恨鑑之不仁甚矣

元

竇邦傑前至元間任廣安州知州

趙信遵教社人東漢趙岐之後初以儒生貢河西隴北道廉訪司泰定四年授邠州新平縣尉元統元年以從仕左郎授夔州路總管府知事後至元丙子追贈父慶爲從仕左郎奉元路澄城縣尹

鄭英陝西行省參知政事

石道立曰吾澄之士其進用於時者詳矣諸君子豈無表表可稱述者顧縣久無志今且無述後將何傳吾爲此懼

澄城縣志

卷十三

人物一

四

欲遍詢以著其實而未之逮也姑以行誼顯然者附錄餘俟高明君子補入昔人謂蓋棺而後論定故生者不列其行事

雷清字絜已淳謹好讀書元季以秀才辟辭弗就或勸之仕則日時不可爲矣未幾亂作人服其先見及海內平定迺以舊產讓弟徙居雒城優游卒歲無復有仕進意縣令舉爲耆賓歲饑請於朝發粟賑之民全活者甚衆澹然無德色翰林侍講兼修國史吉水羅汝敬曰先生以才見試於有元以耆德見徵於本朝以惠澤衣被於鄉之窮餓人蓋有道之士古所謂鄉先生歿可祭於社者也後以子恭拜御史封如其官

明

潘友直字孟舉以字行洪武初由茂才舉從太祖江上勦陳友諒屢畫奇策陞南京工部尚書所至有聲習儉服勤終始一節後乞骸骨歸朝廷寵賜大銀歸邸悉賞軍士同妻驅驢而歸不乘驛傳行李蕭然惟圖書數卷而已上使人問知之嘉其清介賜鄉宴終其身孟舉益亮節砥行不詣公庭不干官政薄田敝廬宴如也後以壽終於家嘉靖間祀鄉賢

權士安字惟凝洪武二十三年由人材科授大名府南樂縣知縣至則詢民疾苦勸課農桑修葺廟學城郭祠宇壇舍百廢畢舉政暇則勉勵學校文風藹然

雷恭字時敬清第五子永樂乙酉舉人初授交趾道監察御史出按山西風裁懍懍時大臣有不法者卽抗疏劾奏之嘗

澄城縣志

卷十三

人物

五

諤自將權倖側目天順初與御史楊瑄劉泰等極論石亨擅權中官潛謀英廟謫戍遼東後山西王虎鎮崇弄小兒術士驅遣不能除有達者朱書監察御史雷數字貼小兒背遂就安今彼地猶有雷打鬼之名嘉靖間祀鄉賢

石道立日士君子立朝事君忠爲大孟舉之勲友諒時敬之論石亨濯濯侃侃忠舉勞流於澄不有光耶俎豆學宮二先生吾無間然矣

鄭瓚字廷器歲貢生知青神縣事六年清而不污行資之外無餘物時與其廉焉

曹貴字天爵歸安村歲貢生初授北京金吾後衛經歷擢判深州時遇滹沱河決乃起夫萬餘掘壅塞豐隄防不踰月復

如故深人德之

附辨
戴志於

國初複載曹貴初任定邊訓導孫懿字元徽由舉人任鄆縣令按張文垣府志蒲城楊沈康熙癸卯舉人子宣寶由貢生任定邊訓導孫懿雍正癸卯舉人選鄆縣令洪穉存所見府志當是三十六幅與四十七幅連訂妄改由貢二字爲貴初而不知親督之掘四字之不成句也金根之誚不堪一噓矣

鄭鑑太賢里人正統二年歲饑出粟麥一千一十石用助賑濟有司奏聞旌表

按乾隆庚子舉人劉文溥母爲山東蒲臺縣知縣崇祀鄉賢祠鄭鑑七世孫女未知是一人否

澄城縣志

卷十三

人物一

六

袁忠寺前里人正統三年軍士乏糧出粟八百石八甯夏倉有司奏聞旌表

石道立曰温公爲劉太序賻錄劉永一以下四人國史因之作傳陶九成輟耕錄載王義士等七人而七人遂聞于天下後世吾澄諸義士亦表表可稱焉志之以告采風者馬圖北社村景泰庚午舉人以平遙縣訓導應西臺御史選時忤中貴人不果竟止陽曲商河二縣子文奎成化甲午舉人臨晉縣訓導駙字世臣成化庚子舉人授絳州訓導諸生問難者填門牆擢知代吉二州視民如傷比卒於家吉州民間訃多來弔祭者駙子躍如字凌霄任大同斷事勤幹清苦疑獄多所平反當道與其能後謝事家居事有難決者人多

就謀之躍如子徐歲貢生東昌府通判

宋志聰字文會長閩鎮景泰庚午舉人由序班轉華亭縣丞天性穎悟治內外事循規矩言必忠信非道義絕不出口子應奎字廷佐以歲貢從侍御史按歷四川性素豪縱不屑小嫌與侍御不合拂衣而去尋卒應奎子世杰歲貢生

王淳字子厚高槐村景泰癸酉舉人誠篤長者也博學能詩文任保德州學正能以所學淑人解官歸慕司馬溫公爲人每舉動必書曰吾用以自考也接人無大小貴賤一以誠御之讀書談道老而彌篤時稱古君子焉子師古宏治乙卯舉人陳畱縣知縣

李瓚字宗器西社村天順己卯舉人忠信質實好學之心老

澄城縣志

卷十三

人物一

七

而不倦由山西芮城教諭升瀋王府長史

或云紀善俟考

鄭杰大賢里人天順間配宗室保安王女醴泉縣主

李茂業善里諸生母党氏患惡瘡茂口吮膿血每夜焚香祝天願以身代母歿結廬墓側時暴雨如注懼水嚙墓覆而號泣倏而雨止人以爲孝感父歿廬墓哀毀如母天順六年旌表茂子表同弟監生森善事父母克修子職親終同廬墓所宏治七年旌表表子後監生順天經歷父表歿後方弱冠哀毀骨立結廬塋側朝夕拜哭及母卒復廬墓含哀三年正德二年旌表

路世美曰李氏三世旌表可以風矣茂之詒謀不旣臧哉習玉先進里人成化乙酉歲饑同其孫璟出粟以賑鄉里有

司嘉其賢賓於鄉飲

許英字文傑成化戊戌進士初授南京戶部主事督糧有方陞本部員外郎中每承委任不愆于經後以疾卒于家祀鄉賢子世昌字順德宏治甲子舉人任太和知縣以績轉開封府通判陞順慶同知時蜀饑世昌悉力賑拯又請當道給牛種府城屢崩于水民苦歲役世昌開渠西山以洩之奉檄勦平涪州小河羣盜欽賞銀二十兩已疏請終養起復承天攝行太守事值世宗南巡夙夜拮据又改建陵寢增建司衛遂以勞邁疾而卒世昌子士例貢生未仕

田耕字舜夫纂業村洪治壬子舉人初任太谷知縣後知廣陵二年邑乃大治遷順德府通判專理京儲事集而民不擾

澄城縣志

卷十三

人物一

八

子養民字希仁正德己卯舉人任德威二州知州治理有方事繼母能得其歡心後以疾卒於官

党衷歲貢生完縣訓導性篤孝年十三母亡卽欲廬墓父止之後父卒廬於墓側食粥飲水負土築墳植柏數十株鬱然成林烏鴉羣集白兔馴擾宏治八年旌表子守經歲貢生蒲州訓導陞陵川教諭

楊得春字百魁柏門村歲貢生任偃師縣丞偃師北當邙山西北有黑龍潭每夏秋靈潦水決入城如注官民罹其患得春率徒役數百人修白虎堰障於東南怒濤不復爲患又嘗通縣北舊絕水之泉平嵩邑久不均之稅民至今稱之

鄭經字大經刑部郎中敦曾孫歲貢生初任遼東太僕寺主

簿以勤核著名陞山西繁峙縣知縣歷官十二年及歸僅足資路費子沛歲貢生油江主簿

廉仲祥字天瑞歲貢生甘貧嗜學誨人不倦讀書以窮理爲先爲文以意會理以辭達意不爲斬絕奇詭之體講說獨喜蔡虛齋蒙引曰學貴窮理口詞非所急也形體癯然若不勝衣至談道義卽口如懸河一時學者多宗之

周世傑字廷英岳陽教諭廉子歲貢生任原武主簿公清守法民以長者稱之

孫麓字天錫初授吳江水利縣丞豎潰出淪歲用大熟再丞溧水職專理餉會驕陽如焚租徵如額乃移牒中丞徵視稔入後陞南溪知縣卒子光祖例貢生

澄城縣志

卷十三

人物一

九

白潔字淨之歲貢生初授懷安衛經歷單騎之任不攜妻子妻卒誓不再娶考績擢道州同知致仕平生樸實耿介廉靜寡欲有古君子風

杜芊字時暢易州教諭亨子歲貢生任峽縣訓導時流賊據縣洪廠舖芊方署縣事募得精兵數百人襲擊大破之子曉歲貢生健爲主簿冕嘉靖甲午選貢遵化縣丞陞眉州州判冕生有夙慧五歲不能言嘗問母飼雞一旦忽發聲曰牖下雞啖糟糠不能振翅鳴朝陽亦當鼓翼上扶桑

雷鉞字德威少有雋才屬文輒能驚人小詞尤嫵媚士人爭慕效之後以貢補咸甯侯府訓導尋改靈山衛司訓卒於官張雲谷廷用詩曰道方無俗樣心樂任官移觀此可以知其

人矣

張紀字廷憲例貢生歷任鉅野河津縣丞清謹剛方民心畏服未五十致仕知府王青門畱之不從遂歸

權隆字世熙任懷來衛經歷誠確清謹人以活佛目之屢膺委用人莫敢欺焉

張廷用字以忠雷莊村洪治甲子舉人博洽能詩文歷任屯畱羅山知縣所著有宋元小學史斷行世雲谷詩集詩話藏於家

楊庭字汝直西桌子村正德庚午舉人初知太原縣太原民好訟庭泣事嚴明歲餘俗革擢知雅州除虎患弭江害于雅人稱有德焉子未歲貢生羅山主簿未例貢生楚雄府照磨

澄城縣志

卷十三

人物一

十

白鸞字應和長閏鎮正德丙子舉人任河南府通判主糧餉兼河南道諸事悉舉上官咸器之

路金字寶之父莊字子蒞廩生金性剛介通尚書學研性理居家篤于孝友嘉靖壬午選貢授豐潤縣主簿專督馬政每番例得錢若干縑一毫不取甫期月疾作或勸之納賄怒叱曰欲吾不瞑目泉下耶不旬日卒貧幾不能歸子雲達字天衢以父薄宦廢業務農種五色瓜專濟道暍以德行聞有揮金不顧之志嘉靖間有業善里大戶遺金百兩拾而守之明旦大戶來覓遂還之大戶感其義以均分請卻之後以子車貴贈威州知州

韓舜璿通振里人天性純孝母歿欲廬墓父止之乃居中門

之外夜則卧苦枕塊晝則奉父甘旨三年不入內寢母素畏雷每雷聲作卽奔號墓旁不啻衛護然雷止始歸田古先進里人姚珊業善里人親終俱廬墓哀毀惡衣菲食三年如一日時與其孝知縣敖佐皆表其門習朝用縣諸生嘉靖初廢城隍廟中有旅櫬不歸葬者三年漸有發其棺暴其尸者朝用卽邑厲壇之良隅掘一坎瘞之仍設奠致哀焉

石道立曰吾邑諸君子居家而行修居官而政立者當不止此予生也晚有不能盡知焉姑列聞見所及者如右其所紀述不敢不嚴且實安知其無誤與漏也若曰枉是非而私爲軒輊則吾豈敢

石道立字子修號玉泉歲貢生居縣北咸和村近將軍山麓曾祖愷敕旌孝子祖秉常鄉飲賓父廷璋諸生道立博洽能文有史才嘉靖己酉知縣徐效賢以縣無志屬道立創修倣康對山志武功呂涇野志高陵義例著地理建置祠祀田賦官師人物附以雜志凡七篇中分細目六十釐爲二卷間附後論計三十餘則皆言之有物卓然可誦志成而徐卒知縣敖佐始付劄劄韓苑洛邦奇撰序馬谿田理題辭道立復序諸前後崇正乙亥志與城俱燼原刻存者尠矣道立弟道亨道充子攻玉孫鳴鳳坤鳳曾孫鎔鉞元孫貴生俱諸生路車字公御號容菴豐潤主簿金孫嘉靖辛酉舉人時方弱冠性至孝處異母弟無間言澹泊寡營終身無姬侍銓試第

一除四川威州知州州故姜維地羌夷叛順靡常車以信義
柔綏九年無敢犯境松潘反側當道借爲贊畫旋即削平天
語勞之云飲至明軍旅酬勲錫武功陞敘州府同知卒于官
萬曆間威州祀名宦天啟間邑祀鄉賢子六從廣字伯閣號
一元萬曆丙戌廩貢任安邑主簿委征解梁關王廟稅誓不
染指一錢改司儀封河務去小宋積水爲民開沃地百十餘
頃浚人勒石記績陞平虜衛經歷臨清州州同寶慶府通判
以疾致政歸家惟挾一鶴而已又精六法以王叔明爲宗一
時良史目爲關中鸞全

謂邊鸞關全也

有顧氏畫譜悅生近

語長安碑洞觀音行於世譜集尤富嘗于臨清州關帝廟壁
間畫虎崇正中道士諷經至夜三鼓時見虎雙眸炯然從壁

澄城縣志

卷十三

人物一

十一

而下抖擻跳躍若將及人道士錯愕不知所措急取劊斧格
之頭岑岑已不甦矣遲明訝其事州人觀者如堵清源人臨
摹其圖競貴售之從度字仲範號兩齋由劍外扶父櫬歸阡
隨廬墓三年神宗朝以廩貢奉差冊封肅藩後授宣城主簿
未踰期不忍糧艘病民遂致仕歸卜築澂水之湄以適志終
焉從康字三字附貢從廉字四庭從序字五堂從應字六合
俱諸生從應後改武授黃龍山千總甘肅守備亦善畫
鄭札字伯文油江主簿沛子少有志操負笈馬文莊之門砥
厲行業嘉靖甲子舉人起家學博轉陽信知縣清廉不枉法
以憂歸起補新樂縣瘠土午道百務廢弛札裁冗拊罷民不
勞而政舉擢戶部主事出爲夔州府知府皆有能績後陟兩

淮鹽運使卒于官

馬自渭字應周號金川東昌府通判徐子萬歷丁丑選貢兄自河字龍川保安州吏目自渭幼慧博極羣書文戰數不利庚寅謁選得直隸青縣知縣潞王之國過青供用羨金百數自渭請於督學賑貧生曹志學吉申錫等毫無所私勘拯水災應發官廩府以備倭故持議不決自渭曰我民父母也奈何坐視其死法古矯詔意賑之達之直指直指弗罪也在青四載惠政多端以正忤鹽運使阮尙賓坐他事中之量移唐府審理不就而歸庚子三月卒年五十六子鷗字光川例貢宣城縣縣丞承天衛經歷光祿寺署丞

段廷貞時莊里人嘉靖萬歷間每遇凶荒卽出粟賑濟縣官
澄城縣志 卷十三 人物一 十二
延請耆賓壽九十有奇孫邦進乳抱失怙恃廷貞撫育成立邦進雖未嘗學問天性仁孝事祖必體其心好施輕財至破產不吝養葬盡禮縣學申請順孫以冠帶寵異之
党九長白其里人呼冕三泉里人李逢春王代里人萬歷丙戌各出粟數百石賑民

杜一岸字子登眉州判官冕次子兄一岸字河華廣靈縣知縣一岸有才幹由選貢任日照知縣值倭人入寇一岸守禦有方四境不擾旋繕城池勤勵者四年以績陞淮安府通判狀元焦竑爲文以送之

琚字報吾城東關萬歷間選貢侗重義鄉閭多賴賑恤授通判駐劄居庸附近皇陵中貴旁午驛騷病民琚不畏勢

阿徇軍民德之天啟間祀鄉賢子堯典字賡唐崇正丙子歲貢生

韓淑與字士善南鄉西觀里萬厯間選貢高祖冠歲貢生官大同經歷曾祖汝聽歲貢生官齊東縣丞祖宗淇父國器諸生昆弟三淑與爲仲天資敦厚窮天人性命之奧授易與族弟一良成進士爲一代名臣教族子九有崇正己卯登賢書一門之中有典有則一介不取六籍燦然初授河南懷慶府通判正直不阿左遷布政司檢校稍遷四川資縣知縣自食貧至宦成家無私財子會昌廩生

王崇教字爾化號振宇北鄉路井村萬厯丁酉歲貢父讜字以忠事繼母至孝崇教長厚博洽初選慶陽府訓導旋授扶

澄城縣志

卷十三

人物一

十四

風縣教諭鞏昌府教授皆以敬敷聞攝眞甯篆不取一毫羨餘比致仕行李蕭然惟謠頌帙滿奚囊耳家教有義方不以子貴改其素居恆言猶箴銘鄉黨有孝友行者必以題咏獎成之年至九十四方賢者慕之所彙有榮壽集崇正癸未遇難順治四年祀鄉賢子三拱辰字紫垣號北仰天啟辛酉舉人著有蛙鳴詩集拱極字薇垣號北向崇正辛未進士河南鄆城縣知縣調商城縣知縣庚辰辛巳大饑出麥十萬斛貸賑亂後遯跡洛渭間歸隱石門號石門山人著有圖南館課杏園詩集並賦記雜章拱樞字斗垣號北瞻例貢生拱辰子欽天拱極子御天俱諸生欽天字若昊號敬之更號岷瞻賦性溫醇攻苦下帷命家僮外鎖書屋盡謝交酬甚有當午不

傳鑰不敢供餐者篝燈繼晷寒暑靡間崇正乙亥食餼是年七月混天星破澄欽天奉祖若父自鄉如城約士民登陴固守時乏縣正苦無運籌號令弗齊且空拳難以搏虎賊偵城內消息益肆力攻城焚門掘窟搖惑衆志丁壯老弱或逃或泣未竟日而乘墉大亂欽天周旋祖若父側身冒賊鋒不避歿殺者數十次賊亦不忍手刃遂挾欽天並祖若父於城外北關營中給欽天出營赴寨轉借騾馬欽天就其計自午至申果委曲騾馬復進賊營贖祖若父賊笑曰相公膽力壯哉迨丙夜闔家呼吸倚徙全活登砦時欽天備嘗險阻一舉而智仁勇三善備焉故足述也欽天誼重手足自賊擄弟開天卽選僕役膽識過人者數輩給數百金尾賊營自西安至鳳

澄城縣志

卷十三

人物一

十五

翔平涼慶陽延安等府州縣偵探消息費盡心血者數載王氏世居路井村故譜失傳後有輯譜者自崇志始崇志字靜宇諸生承父歲貢鎮番衛掌教詩遺命創置世譜條款敘次井井可觀乙亥城陷一切都付灰燼欽天約同宗諸長老彙錄成譜又著譜例凡若干列於譜前捐金繕寫以付剞劂其請工繪同祖神像猶其緒餘耳庚辰十月卒年僅二十九著有風檐射覆芸窗寫炤蜀瓠集醯甕雲津等書

路同科縣諸生爲路車門人讀書必躬行父母次第見背哀感異常俱廬墓三年事聞於上賜冠帶扁其門曰孝子
靳香字西山諸生幼失父家貧母蒙氏績紡治生及香稍長惇謹好學爲人作塾師每念及母孤苦以不能供甘旨爲恨

遇馨臙泣下不忍食母病且革嘗糞驗其胃氣人莫能及知縣黃榜扁其門曰眞孝

王寵字子遇號葵菴柳池村萬厯壬寅選貢授四川昭化縣訓導有羅生者爲教諭扼教諭報羅劣寵曲全之羅貢入京師逢陝右人未嘗不詢寵起居且垂泣也陞西和縣教諭時學使索諸生劣行亟縣尹有心欲中傷者諸生求救于寵寵曰若等原無惡行吾敢誣人以媚上官耶西和業易者苦無宗指寵爲演說河洛秘要手授參伍錯綜轉晉府教授致仕歸己未七月卒年八十韓城張侍御邦俊撰墓志見藝文子應運增生孫國俊諸生

韓一良字象儒號有懷南鄉西觀里萬厯己未進士高祖泰

澄城縣志

卷十三

人物一

十六

累出粟濟鄉里曾祖志緣祖春陽世有積德父逢操行廉平尤嚴督課一良生而厚重質訥清正有執讀書喜體會不事記誦爲文如其人鄉舉時年僅二十四竽牘請託痛絕不爲五上公車始捷禮闈又三年對策大廷選陳畱縣知縣矢諸天日不以民間一錢自潤陳畱古有莘野濱河砂壩土濡民貧士窳一良教稼穡立學校修元聖祠爲勸農歌士民翕然有頌句云花城循吏廉平少二百年來無此官時璫燄薰灼逆祠徧天下仕豫者爭捐重資冀一錄名獨一良若罔聞知任額派檄催終不一應再考卓異七年不調尋以公論難泯推清官第一崇正元年戊辰授戶科給事中卽極言文官愛錢陋習帝嘉納之召對平臺奉有破格優擢風勵有位之旨

超擢右僉都御史時思皇新政求治太急索奏數上內外股栗中忌者於御前諷令指名倉卒忤旨再疏得嚴旨卽策蹇歸里棲遲午西寺鑿土室於灰條陂谷中有遯窟說見藝文足跡不履城市僮僕產業宅第一無改於諸生時角巾布袍非素識者不知其爲給諫也海內重其名起用之章毋慮數十上終不起十二年己卯卒于家年止六十子姓苦貧至不能治喪具蓋晚近以來所罕覩也原疏不勝刊惟紀初入諫垣疏於藝文中以見梗概焉十六年癸未祀鄉賢子六繼武廩生乙亥城破罵賊遇害祀忠烈祠繩武緹武續武綿武綜武俱諸生

睦時聘字任衡寺前鎮萬厯丙午舉人河南延津縣知縣蠲

澄城縣志

卷十三

人物一

十七

除荒地賦稅民賴之諸生李孟南貧不能娶助之金使有室耿宗純以病見黜力請學憲復之耿與李相繼舉於鄉遂同第南宮延津人以時聘惠民育才立祠祀春秋勿絕也旋調石臺尋陞渾源州興水利鑿渠令高下受溉畝可一鍾渾源人又立祠祀春秋勿絕也擢鄖陽府知府年甫六十顧思退遽謁歸置義田立社學散金粟以濟饑里人勒石紀德華陰王山史宏撰爲作睦太守傳見砥齋集子掄字簡庭例貢孫士鸞字祥吾要顯村泰昌庚申恩貢西城兵馬司副指揮以不附逆璫被嚴旨解組教從弟瞻園成進士鄉閭稱焉子鉉字貫黃崇正初恩選德安府通判

白麒字瑞明河南府通判鸞曾孫天啟壬戌歲貢事親孝官

大名府通判駐劄懷安樹邊功轉河間府同知河間盜藪也
麒麟禁得法盜息民安致仕家居里人負債者多不責償子
甚樸甚雅甚醇俱諸生甚質登州府守備湖廣鎮都司陞本
省督錦衣衛指揮授廣威將軍

孫士髦字仲譽號瞻園天啟壬戌進士年方弱冠選戶部主
事董密雲糧儲一年節省四萬餘金戶部奏請紀錄奉有潔
已急公風勵九邊之旨後因營將王靖東糧冊錯誤該部駁
奏繼差西協監事鄧希詔覆查爲挾私中傷臺省畢自嚴王
志道等會奏昭雪不允遂戍潼關衛築九轉山居閉門自娛
崇正末年殉難事載衛先範所撰墓志甚詳見藝文
王守約塔冢村諸生天啟乙丑出粟千石旌表義官

澄城縣志

卷十三

人物一

十八

劉養賜字恩渥武定里高原村人幼勤謹力田水濱家旣裕
託兩弟撫三子隱於韓郃澄三縣交界之救郎山幽邃深僻
石徑崎嶇止破廟一間旁有小泉天啟初養賜同韓郃諸信
士創修廟宇鑄造鐵瓦命牧童驅百千羣羊繫瓦羊背負送
至山始終十年募得萬金費餘盡買山地給佃收租爲補葺
資功竣而卒壽逾七旬居民慕養賜德塑像泉側禱雨輒驗
數百年香火不絕

王廷賓字觀光崇正戊辰進士祖詞父崇典字勅我俱諸生
廷賓初仕鄆陵縣知縣調永城縣以卓異考選疏上丁父艱
歸里乙亥七月流寇陷邑殉難著有龍吟社稿

權星號歸庵無書不讀宗理學精律歷澹志名場督學許孚

遠將越次貢之星不欲遂石隱終身所著有養浩心談自製角巾三方取法三才時呼爲三棱子

路世美曰鄉賢典矣賢而未典略之非義也進之非制也舊志鄉賢未立別傳余亦不敢改爲仍以鄉先生之公論所歸者依次附錄俟采焉聞見所不及者尙需後賢補入路雲鵬字新泉與贈威州知州雲達同曾祖嘗出粟濟荒授義官舉鄉飲賓昆弟七人雲鵬行二其六曰雲峰以能詩聞雲鵬長子乾次子園字西塘例貢生乾子遵字依中號道元又號風谷萬厯間諸生邑南北數十里中廟宇墳墓碑碣多題道元撰書蓋當時之能文而工書者遵子福星字台斗福星子彤墀俱諸生徵君振公稱台斗書法習高崧體亦有漢

澄城縣志

卷十三

人物一

十九

人意邑北關東嶽廟有彤墀榜書四字筆力蒼老足徵累世家學園子永思字懷春順治己丑歲貢生

党嘉琚諸生崇正八年流賊混天星等攻破邑城嘉琚手刃妻妾因自刎一時同死事者廩生韓繼武宋捷報杜其意王之章繼武給諫一良子賊欲活之使降罵賊不屈被刺死餘皆罵賊被殺知縣傅應鳳申請與主簿李可受同立祠文昌祠左歲時致祭焉又高槐村惠迪字啟衷諸生亦於乙亥死賊難年四十

管大音字希聲崇正癸酉舉人聞闖逆僞命與郟陽呂得璜兄弟遁入太華山中擔簦負笠與奚童爲伍人無知者後結廬河澗讀易數十年卒之先自題其墓曰明癸酉科舉人管

子大音之墓漕帥邵陽張文敬公大有高士咏曰管子素心
人渾樸世接武捫舌戒自昔喪亂誰能侮擁書深山中羲皇
爲儔侶墓門一片石寥落自千古

路世美字繩烈寶慶通判從廣長子爲左蘿石先生門人性
慷慨磊落閱歷顯晦升沈有墮甑不顧之達出館穀購書供
給後學年五十餘始充崇正辛未歲貢癸酉舉於鄉授直隸
東光縣知縣寬而能斷嚴而不苛申減俵馬若干匹遼東陸
運代民官調停約省萬金不事鞭朴開釋大辟七人虜過城
守有功紀錄卓異旋致政歸隱居匱谷年八十餘日書小楷
數百先是浪游江南與名公談藝至是詩興益豪懇懇導士
如初時著匱谷集八卷續縣志二卷季弟世光字紹烈崇正

澄城縣志

卷十三

人物一

一二十

戊辰授大同前衛鎮撫從洪經略承疇討流賊有功陞綏德
州守備適歸里值乙亥城破之變倉惶間莫能相顧世光急
入學宮抱其祖鄉賢主走匿縣西南王家河事平乃迎歸隨
建祠河湄卽藏主地也縣裁主簿缺改設練總部咨就近授
職尋致仕治園於王家河後洪經略屢檄之起許加秩錄用
堅以病辭終不出世美同祖弟世龍字龍躍號躍門宣城主
簿從度子天啟辛酉拔貢甲子舉人幼穎異能讀邱索書省
父至宣城湯霍林賞其文定爲門下士後官秦安縣教諭旋
棄職隱居教授肥遯終身邑長雖有餽遺終不一面與世美
齊名時有澄淵二陸之目世臣字公輔甘肅守備從應子諸
生

權時昌字明之崇正中拔貢任忻州州判威惠廉明人不敢干以私時輔國裔孫有武斷鄉曲者時昌詣王府請五刑卒置於法晉王嘉其剛正賜蟒衣一襲後由清平知縣陞保安知州旋擢湖廣德安府同知以老病未就

韓呈鸞字岐陽號兩俟子西觀里窪底村增生祖立父應試萬厯間選貢吉州州判立從兄魯子應第選貢文水縣訓導應昌諸生應捷增生立從弟養氣養蘊俱諸生養氣子應科字遇吾歲貢未仕應捷子民暨應科子民則民悅俱諸生呈鸞生於萬厯壬辰工詩文博學善書篆隸皆入神晚年閉戶不出日與路振公王黃湄吟詩歌咏子庭藜諸生亦能書鄉試房薦八次後家遭丙丁數世手澤悉爲灰燼聞者惜之

澄城縣志

卷十三

人物一

二十一

韓次

路志補遺作坎

歲貢生池州府經歷孫琬珍從孫燦烜

俱諸生燦子圻烜子子堉子均俱廩生

張恂襟字允若增生居西鄉張家莊曾祖翕諸生祖宏父所見諸生恂襟爲人孝弟慈祥事祖考如生存凡有嘉穀新果必薦而後嘗葬二親棺槨衣衾必誠必信恐土親膚爲石墮以圖久遠邑富貴家未有也居恆廉以律已勤以治身儉以持家嫻睦以處鄉黨女兄適崇正戊辰進士王廷賓兩爲縣令屢書招之未嘗至其署女適蒲城諸生韓曷以寃赴井死時法令命案甚嚴動輒破家韓浼人袖金求寬答曰女不能奉事舅姑死其宜也金胡爲乎卻之教子讀書不廢農務每農功動時晨興率諸子巾服荷鋤而往至則脫巾荷笠父先

子隨倦則暫憩樹下相與談論文藝暮復巾服而歸凡族黨婚喪不給者輒視親疏隨分賑助鄉人有寃獄爲出十金脫其罪輸金營闔族祖祠體貌魁梧髭髯疏長言論丰采起人敬畏年七十四卒子五在郎字應辰增生博學能文剛正嚴毅動履不苟於門內則熙熙雍雍孝友篤愛之情溢於眉宇在臚諸生在輔在璇字轉辰廩生在璣字佑辰蓋張氏自翕以孝友傳家世世相承至曾元而其家法不墜云

張秉直徵信錄曰孝雖庸行能者實鮮義則疎財沽名亦多若其愛由天性仁出自然曷可沒也但廬墓刲股給扁賑濟者不可與耳

又曰予聞之古人凡親有其善而弗能顯揚者非孝也本

無其善而誣親以善者亦非孝也今之孝者多誣親以善不則或過其實予嘗非之予家孝友相傳已歷數世遠者旣無可考卽其近者僅乃得之耳聞其他弗聞者必尙多也茲亦不敢飾說集中所述皆經人傳授家有墓志原藁亦弗敢臚列蓋曾晝夜參會反覆思惟而後敢見之千言也昔吾陝二曲徵君言學首重揚親之善一時遂成風氣予嘗謂親有其善而揚之可也無其善而誣之非適滋多口乎故予茲所錄最略最慎不敢蹈襲他人覆轍若謂有其善而弗能盡述是掩親之善也是則秉直之大罪也李守心善化里人崇正庚辰大饑斗麥千餘錢心以千石救民至熟不計直責償啣恩之家香火填門